

皇明續紀三朝法傳全錄

皇明續紀三朝法傳錄卷二

西湖 高汝栻 輯 四明 李國標 閱

高陽 焯 張召珩 正

古來治河之不得其退者無甚十宋熙寧之閉北流益河決而北而顧回之使東雖其智勇無如之何也

已卯萬曆七年二月河工成。先是淮安故有水患。然所及僅一二縣。至嘉靖中。河決崔鎮呂泗。往往奪淮流入海。淮勢不敵。或決高家堰。或決黃浦。或決八沙。淮楊諸郡悉為巨浸。河高山屋上。敗壞城郭。田廬冢墓以萬數。瀕河之郡。歲費治堤金錢萬萬。及大決。又從小河口挾永涇諸水。直通泗州。其患不獨在民。且憂在陵寢矣。上問輔臣。張居正。申時行。因奏河道。都御史潘季馴可。皇明法傳錄 三朝卷二 顯皇帝 一

築堤東水
與宋人同
河東流之
事自別然
時築時潰
不能保百
年之無事
以有限之
財事無涯
之功張尚
英之疏論
蓋衆忽與

使。上降璽書拜季馴都御史使行治河一切假以便。
宜久任責成出帑藏不問出入又令諸臣得條上所見。
諸方命不及事者下詔獄鞠治之於是當事者人人惴。
恐塞崔鎮口築遙堤束水衝沙其南岸自三山頭至李。
舖又自歸仁集築橫堤至孫家灣又與桃源縣馬廠築。
堤以遏南奔入淮之勢其北岸自谷山至直河又自古。
城至清河建崔鎮等滾水壩四座以緩泛溢之水踰年。
而告成事計費五十餘萬。

今徐淮間延袤八百餘里兩堤相望蜿蜒綿亘殆如。
常山夾峙而河流其中勢既不及陵寢田廬又已盡。
山數十年棄地轉爲耕桑而河上萬。
艘得接與轉輸以濟農之餉云。

以不迭葬
而革一御
史已自可
異復有下
者宛轉
以去之更
焉可怪

戒勅戶部浙江司員外郎王用汲革其職爲民。居正歸
湖廣御史趙應元以候代襄陽不及會葬。旣而得代中
悔恐獲罪居正上書移病歸。先是有旨御史在外
不得移病。非撫臣代請都察院密察以聞。此久視爲故
事。莫有舉行者。時僉都御史王篆佐院要協其長陳炯
使諭應元首斥應元爲民。中外咸憤。於是用汲上疏言
趙應元以候代不得送葬。觸居正之怒。故其謝恩疏無
應元名。則其有憾可知已。炯仰承風旨宜斥應元宜留
其詞甚峻。居正疏辨。上攸詔褒美。累百餘言。嚴旨戒
勅用汲。然居正意猶以不追用汲爲快快也。○倦客入

貢以兵西通回夷使使烏思藏迎國師鎮南堅錯創招提以居之鎮南投書政府乞賞而侑以大士像璫增金

剛結事聞上褒悅勅受其侑而別為賜

廣無涯遠則涉險得
以牢證剛
堅錯亦有
益于國

堅即闍化王。本賴喇麻也。故號稱活佛。以傳經說法。成。滿。殺。為。所。尊。禮。稱。輪。迴。轉。法。功。德。世。界。佛。大。國。師。五。年。奎。房。切。查。黃。台。吉。約。俺。答。迎。之。西。海。上。飲。長。生。水。俺。答。所。從。部。落。數。十。萬。人。各。以。奉。堅。錯。教。無。溫。者。

王上切冲
陳以節心
固是美事
但較並出
入近千持
番提美矣

戶部進御覽錢糧數目大學士張居正請置之坐隅時賜省覽量入為出罷節浮費疏留中上漸備六宮大舍所儲金錢多所宣進居正因戶部進揭而奉之曰萬曆五年所入四百三十五萬九千四百餘金六年所入

後神廟重
于發帑
于散財
于稅
亦此有
其流

存儲錢

僅三百五十五萬九千八百餘金則已少八十餘萬矣
五年歲出三百四十九萬四千二百餘金六年所出至
三百八十八萬八千四百餘金則已多四十餘萬矣夫
歲出則浮于前歲入則損于舊歲此不可不留心也王
制量入爲出計三年之入必有一年之餘而後可待非
常之事况財用止有此事設法巧取不能增多惟加意
樽節則其用自足上嘉納之

四月傳旨工部置錢進用旋停鑄上以賞賚缺費命
工部開局鼓鑄京師小民多積嘉靖錢訛言止行萬曆
錢不行舊錢人情甚爲不便閣臣力請罷之○上御平
皇明洪傳錄三朝卷二顯皇帝

臺召大學士張居正慰諭有加。賜金幣御膳。敬蒸上尊等物。時上病疹初痊。御朝羣臣延賀。居正以持服不與。上特召見。執手使視。已顏色。居正稱賀。因勸上慎服食。戒色欲。上曰。聖母日與朕偕動止。三宮俱未宣召。居正叩頭而出。戶科給事石應岳奏請節財省費事。下部。上諭取歲進金花銀萬兩。季取太倉銀五萬兩。及覽應岳疏。上曰。節財省費。朕豈不知。但官中用度。委與先年不同。額外之取。甚非得已。已戒內監加意樽節。務有剩餘。待數歲之後。積貯稍充。卽行停取。仍復舊額。工科都給事王道成等奏言。蘇松大水。

竊職曰水旱殺人百倍於虎而人畏能久旱又曰每半能久更辛不止五言人以天下言之當有救百萬虎狼在于

民救死不贍清酌減織造段疋上命減半織造命內監出守太和山兼轄軍民并請改勅給旗牌兵科都給事張鼎思奏言此係世宗親定璽書柰何輕變請毋給旗牌事下部遂中格○江南歲荒輔臣請蠲積逋曰財力有限一年所入僅供一年不幸荒歉見年尚不能辦豈有餘力積逋哉今歲之所減卽爲來年之拖欠見年之所欠又是將來之帶徵連年誅求民不堪命况頭緒繁多征票四出里胥指交納以欺瞞適增豁逋之欲孰若施贖濟之恩蠲與小民哉上曰各處帶徵未完錢糧若累小民者戶部查積年所欠幾何悉行蠲免止

民而此皆
古民之情
大內已除
放而官吏
不行者也
則謂積遺
是除一大
害也
行考成法

其理財也
近于桑孔
其誠朴也
近于韓申

將見年正供之數勒限完納。○詔更定時享祝文。太
廟時享原設九帝冠服祝文內止稱五廟五廟內實止
三廟祝文則多稱二廟太常卿溫純等開送閣閣臣疏
請時享祝文通列九廟不必更稱五廟字樣庶得情禮
之當。上允行之。○詔行考成法此法既行正賦不虧
府庫克實皆以徵解不爽爲定江南貴豪如華亭金壇
上海等縣各恃其勢若奸滑巧避匿而不肯完賦與馮
滿蟬螺之民錯居莫能辨拆因命選擇大吏精悍者嚴
行督責賦以時起自是奉行者速小民不勝楚朴相率
而歸怨于相君

張濤曰。考成之法。守令之殿最係焉。故以敎令爲科。則天下之官。盡驅爲追呼之吏。陸贄所歎爲立意。既爽。後繼又疎。亟終紛絲。重傷宿病。未有甚與斯者也。永樂初。濟廣夏稅。後期郡縣新請罪。郡縣文皇不許。曰。苟罪其官。必急責民。此寬郡縣以寬民者也。如劉宋之時。元嘉責成郡縣。而民困富。後遣臺使督責。而民殫產是也。高皇帝之諭曰。有司有倚二稅爲名。麥方吊旗。而徵夏稅。穀方秧節。而推秋糧。必死無日。此責郡縣以寬民者也。如宋祖之選官。蒞京畿倉及諸諸道。受租調。有格克增羨者。抵罪。夫市是也。夫寬郡縣以寬民。則守宰不以功令亂其心。而得優柔以從事。責郡縣以寬民。則慈惠之長務爲明察。而吏卒不得因緣以爲奸。固知考成之法。尤非祖宗之美。豈良法也哉。

詔度民田。高皇帝時。天下土田八百五十萬頃。至弘治十五年。天下土田已減二十七萬。歲久滋僞。獎孔百出。有所謂飛詭者。影射者。養號者。掛虛者。過都者。受獻

者久久相沿。豪民有田無糧。窮民攤派受病矣。張若正請行清丈。允莊田屯田民田職田蕩地牧地皆就疆理。無有隱奸。貧民不至獨困。豪民不能兼併。天下奉行惟謹焉。○右僉都御史蕭彥上疏條陳清田事宜極言清丈之弊。各省不便。因列三款。一曰期限之當寬。二曰土宜之當審。三曰稽查之當慎。至差憲臣清查田畝。以專責成。以防推委。恐憲臣四員其勢不能遍歷天下。卽一憲臣分轄三五省。勢或不能久留。特差憲臣不免搔動。莫若仍責各省撫臣。給以專勅。定以期限。聽其便宜行事。旨下部議。○調國子監司業張位於外。

八月工部尚書李幼孜予告回籍以曾省吾代之幼孜
與居正同年爲人善媚後與通姘由郡守不十年而八
淫既與殷正茂爭寵因嗾言路糾殷歸王篆入吏部又
與爭寵篆因短之居正遂乞歸斯時六曹欽心于居正
始諛以伊周漸進以五臣且諛之以舜禹居正亦恬然
居之是以中允高啓愚以舜亦以命禹試士當事者目
爲勸進云○詔贈卹治河運同黃清清上饒人起吏員
清勤伉直積官嘉興府同知加四品服俸築海塘有功
後以運同治高寶河堤積勞死于寶應之寧國寺至不
能殮生時與人言未嘗不自稱其名支河工銀四萬餘

雨雖錙銖磨筭上下皆不得欺謁所司有忌之者密擠之水救起昏迷尋復甦入城凡二日而氣絕

庚辰

八年又華殿西入內角門柱礎上有天下太

平四字拭之不滅張居正曰此瑞也請上臨觀上

見之曰此僞也不懌而罷

高汝栻曰嘗攷宋史紹興十六年慶州民家朽柱有文曰天下太平秦檜大喜乞史館以飾和議之功古今詐飾其暗合如此然江陵曾考宋史必不爲此又唐武后時有以丹漆書牆腹曰天子萬年諸閹獻之宰相李昭德以刀刮盡奏請付法昭德雖有才略而品地甚輕猶能力排僞端江陵自處何如作此等兒戲爲昭德所笑而聖明獨斷其詐尤古帝王所不能反偶詢石上假字益以龜屎書之入寸許卽鑿去一屑亦自不減信家戲法類能爲之上想知其故矣

張居正服除。上御平臺，召見命司禮監張宏引見。仁聖宮門叩頭，賜白金文綺，尋見。慈聖慰獎，猶至賜予。更隆命張宏侍宴，而後就職旋，詔加太傅。居正辭從之。

二月會試，以禮部尚書兼文淵閣學士申時行掌詹事府事，禮部侍郎余有丁克主試官，取蕭良有等三百人。三月廷試，賜進士張懋脩、蕭良有、王庭謨等及第出身有差。

懋脩，居正次子，其弟敬脩與四維之子，甲徵皆在前列，得禮部主事，時人爲之語曰：首甲幸有三人，云初僅此二子，或作但言書而黏之官牆。

急坐口論
皆為保所
備也故中
旨不可不

高汝扶曰慈倫之得賜元也蓋神宗親置之首乃論
居正曰吾以此報先生耳嗟嗟國家一錢公道止此
科舉之途少存儲羊今以綺繞乳臭之子領神多士
是以開門之典為酬功之具也昔胡宗炎以應格引
見宋仁宗仁宗驚其年少官諭三陪最後閱其家系
云父宿見任翰林學士仁宗嘆曰寒賤安得不泥濘
遂降指揮令更候一任與改合入官此唯
恐失一寒賤也取上者當以此為法

奪戶部侍郎傳希摯官先是關中礦賊楊戩作亂詔希
摯討之至是希摯內轉所上舉劾疏上憶前事未復下
兵部問狀給事李選請謫之以為玩旨之戒上命免
其官○輔臣張居正扈上謁諸陵歸具疏乞休凡再
上上慰留懇切最後手書傳慈聖只諭張先生親
授先帝付托豈忍言去俟輔爾至三十而後商處先生

左道惑眾
陸家第一
亂端而士
夫往往迷
于其宗而
不覺何也

無與此念。居正因復就職。○伍開軍餘作亂。先是苗夷
慄悍。術所人各結款。自備。入之款。黨日增。敢于稱亂。郡
人畏款。甚於苗。守備林維禱。繩之弗便也。遂羣起逐禱。
而中右所款。自相鬪。殺傷甚衆。靖州守李瀾。以治苗法。
治之。各輸金爲罰。款人益驕。尚書梁夢龍。議移叅將鄧
子龍。備五開。○儀封人曹崙作亂。自稱三乘教主。官兵
逐之。梟斬其黨。張景陽。崙走鹿邑。生擒之。下詔嚴行禁
革。左道。○行藉田禮。○工科給事萬象春。奏言。內侍諸
臣。內而禁庭。有供奉之役。外而各監局。有綜理之任。左
右僕從。罔不備官。此朝廷之體。如正陽等門。門正等官。

始不過四五人、今增至四五十人矣、以各門例之、能無
冗濫乎、卽以厥庫言之、益甲王恭兩厥舊例、內臣不過
數人、後遂溢至數倍、伏乞恭以祖宗之制、量加汰處、
定爲員額、疏入不報、

南京兵部主事趙世卿陳匡時五要一曰選進之制當
廣二曰驛傳之禁當寬三曰大辟之刑當省四曰催科
之令當緩五曰臺諫之風當振選進不廣則士風銷索
有榮衛枯槁之患驛傳不寬則賢豪解體有經絡窒塞
之患大辟不省催科不緩則民命不堪上干天和有毛
髮剝落之患臺諫不振則國是不定有耳目壅隔之患

之或

事下部因出爲楚府長史。

世卿居正所舉士也。疏上居正以爲說已操切。怒甚。欲誹之。吏部尚書王國光曰。誹之。是成其名也。且以勸上聽卿之請。尤爲公任。然不若遷爲長史。以杜其遷徙之途。既而大察復校。意與當事者去之。

遣御史劉臺戍。旣卒於戍所。王篆旦夕侍居正。知其不什意於臺。臺旣歸。頗不理於鄉人口。於是使御史賀一杜。嗾怨家疏其盜邊銀不法事。江西巡撫王宗載因實證之。遼東巡按於景昌又爲傳會其事。坐臺遠戍而追其賍。竭產以償。比至戍所。方飲於主家。歸而暴卒。或曰戍主有所受毒也。○起南京操江僉都御史陳省巡撫湖廣。旣以平苗功。晉兵部右侍郎。大豪胡國瑞假鄉約

旁衆日以倡叛至驛還守備火其居自知不赦誘苗夷共反省討平之因進秩

高汝斌曰肅皇帝起承天懷德湯沐屢欲幸楚會
屠陵垣傾述失計行命工部侍郎張守真太監袁
往督工而手自畫官殿門庶當壘諸國計費且億萬
輔臣徐階心憂之而不能爭省時以御史按楚上疏
曰楚中災殍累常人民流徙不宜因以大役且礦徒
妖衆苗民無種南北市滿伺窺竊登若乘輿一動禍
災必生此虜來之而入罪將何以支累數百言上
心動遂罷役守真奉命至楚即欲盡撤承天毀宗省
爭之力守真忿然曰上若詰連命所由吾不能庇
若省曰某自其斧鑕何敢累公至是守真亦感泣曰
復公吾得罪于天下矣○莊皇帝登極尚書書禮與
梓人徐杲以興作阿先帝意燦天下財力省効罷尚
書藉及杲又劾罷承天守備占民田爲皇庄者大和
守備悉雕橫斂者催瑞由此少紓後數年山理卿晉
會都上四閣百官圖問輔臣往問御史毛伯溫可
信否居正對曰今有陳省可匹伯溫因述按楚時

他日。上罷朝。問左右。適有臺宮奏事。言。容悅。此爲譏。左右以省對。遂有是命。後以遼王。寇龍。別世。子常冷事。省。強。功。遂。幽。高。塔。居。正。宅。人。是。以。疑。省。爲。張。鷹。犬。張。敗。臺。省。以。索。糾。去。

原任大學士呂調陽卒。贈太保。謚文簡。

調陽。桂林人。深隱不輕炫其長。執政六年。與江陵處。逆。建。退。讓。上。嘗。手。書。機。軸。老。懷。何。心。大。輸。賜。之。

以右僉都御史蕭大亨。巡撫寧夏。大亨在寧夏。大興屯。

政。游。漢。唐。以。來。諸。渠。脩。築。靈。州。花。馬。池。玉。泉。諸。城。○上。

御文華殿。煖閣。召太監朱儒。切脉。切已。奏曰。聖體病在。

肝腎。宜寬平以養氣。安靜以益精。上首肯。命左右。

記其言。儒。轉元國祚父也。上嘗辭稱宮中。不時召之。

此時聖知
開飲以事

或傳旨命和劑以進。嘗奏功。上喜。賜食內殿。諸監至。
上曰。朱儒勤勞。特與一席。其見寵遇如此。○建夷提聞。
陞賞督撫梁夢龍。周詠大將軍李成梁有差。成梁予世
伯爵王兀堂犯殺陽。寬其復入犯。永奠我師。追逐出塞。
二百餘里。至鴨兒。匿得虜級七百五十四。已而復以千
騎從林剛谷入。副總兵姚大節追奔至葛祿寨。獲六十
七級。兀堂等遁伏。建州自此衰弱。提聞會。帝春祀。併
敘紅土城功。遂各陞賞如格。

辛巳萬曆九年正月。輔臣張居正請令翰林官分番入
直。應和文章侍。上清譙質問經義。陳說理道。如唐宋

人遺書之
自為進後
不心之助

為保此時
三應叩上
死謝罪
上武憐而
赦之若庸
嫌于太后
是與挾耳
聖心豈能

故事從之。杖乾清宮用事太監孫海、客用司禮監太監孫德秀、溫太兵仗領局周海等，俱削為淨軍。馮保內侍太后外，挾居正待。上左右御替殊苛峻。小與上狎者，輒牽下加笞責。倖孫湧等，不堪之甚。乘上飲西城，至醉，以言激上。上怒甚，覘視其側，有二監皆保養子，使歌新聲，辭以不能。取劍將殺之，諸閹勸止，截其髮，馳至保所，保知其事，懼擁大石支門。會上醉已甚，扶歸寢。至曉，保亟趣謁慈聖，為膺受語。慈聖召上詰責之。上哭謝曰：「此孫海、客用誘我耳。」慈聖使保捕海等，杖而逐之。遣諭輔臣具狀切責，且勸罪已，御札。

釋然

皇明法傳錄卷二 十一

呈覽發行 太后召 上長跪數之云天下大器豈獨

爾可承耶因令馮保取霍光傳入覽 上心大恨海用

削為淨軍其司禮中貴及內侍皆勒令自陳 上裁去

留復疏勸 上戒遊晏等事 上迫於 太后不得已

皆報可焉

自居正死
而太后亦
畏上之威
所諭夫

于慎行曰天下事特之太過則一發而潰不可收拾
人主在深宮中醉飽過謔何至假 太后之威中外
相應制之股掌之間使之藏怒蓄怨而發從此世所
欲為無復畏憚數年以來誅戮宦官如刈草實視一
關人之髮相去幾何此
不明于春秋之義矣

醫藥錄
訓實錄

輔臣張居正奏請命儒臣纂輯 高皇帝 累朝實訓
實錄分類成書以經筵之暇進講攸詔從之 上留神

孝子以不
忍廢父屍
而隱惡處
不忍父位
不報而封
族其類則
父必欲報
父仇而購
利刃以當
其志何決

翰墨居正以為筆札小技非君德治道所係故有是請
後編纂成總計四十款皆脩德致治之方略焉○遼東
大捷加輔臣張居正太師進其子指揮僉事者為同知
張四維加少傅申時行加太子太保○武義孝子王世
名刃父仇赴官請死官貸其罪世名不忍廢朝廷法不
食死世名金華武義縣人年十七父良為族侄俊以爭
產毆死世名恐殘父屍不忍就理乃佯聽其輪田議和
凡田所入輒易價封識俊有所餽亦佯受之錙銖罔不
計值封識者私繪父像自像帶劒侍懸密室朝夕泣拜
購利刃銘報仇字母妻不知也服闋遊邑庠手書忠孝

其意何如
而其情誠
可痛矣

綱今法欲
全孝子曰
浮生有涯
今名無已
孝子曰豈
為名哉吾
國當如是
一言定孝
子之品矣

格言一編佩之已而生子甫數月撫之為母妻曰吾已
有後可以死矣母妻亦不解其謂一日王俊飲于其鄰
醉歸名世乃迎而揮其所購刃立碎其首以報仇號于
衆歸以白母遂出其向所封識租價餽值及宿購首狀
赴邑請死邑令欲白於上官曲宥以全其孝世名曰非
法也非法無君何以生為遂不食死

張鳳翥曰桓公復九世之仇春秋大之人有殺夏悺
師者誅殺以報仇而卒免于罪報師仇且兩犯敵父
仇乎黃餘元慶之復父仇而自囚諸官也議者以陳
子昂之議為非而以柳宗元之駁為是良自以也孝
子以身抱父痛日接父仇含忍六年而圭角不露是
判斬之不能忍于易水留侯不能忍于情浪孝子能
忍之其智足多也至于忍父仇視死如歸雖羣賊死
我性也死趙何以及焉嗚呼不謂勇乎又不欲以一死

近見山西
 邸報有父
 教子夫殺
 妻而食者
 且開立人
 市以諸物
 并貴惟人
 肉甚賤此
 亦大可駭
 怪視之則
 皮虎象者
 浪有問矣

易三六法第令當官守法謹畏國奉
 公之奉遵亦不過此蓋孝而能忠矣

四月十八上御文華殿講讀輔臣張居正等入至後
 殿講訓錄畢以南京給事中傅作舟疏進覽因奏江北
 淮鳳江南蘇松等府連被災傷民多乏食徐宿之間至
 以樹皮充饑或相聚為盜大有可憂上曰淮鳳頻年
 告災何也居正奏曰此地從來多荒少熟當大破常格
 急發賑濟以安之卽如訓錄所載元末之亂亦起於此
 乞動支各該州縣庫銀倉穀以賑濟之不足則南京見
 貯銀米儘有贏餘可以協濟上俞允○上躬行大閱
 五月初一日皇長女生命取太倉銀十萬兩光祿寺

僭正在神
廟可謂恩
遇無兩
成主之威
嚴者已既
其終矣

銀十萬兩以克宮中喜事之用。兵科給事萬象春奏言
皇文誕生誠天潢至喜。然亦止于賞賚諸費而已。取銀
動踰十萬。豈皇上瘠己以肥天下之意哉。乞脩念民
膏深思國計。維于內帑加贈銀兩。斟酌量取。庶乎好用
有節。儲蓄常盈。疏下部。○大學士張居正十二年考滿
上召吏部諭之曰。元輔居正受先帝顧命。夙夜在公。任
事任怨。雖稱十二年滿。實在閣十五年。忠勤異常。恩典
宜厚。尋使司禮監張成賜白金絲幣。坐莽蟠蟀酒鈔饌
羞羊豕棗栗之類。以千百計。手勅褒諭。至有精忠大勲
朕言不能盡。官不能酬之語。部因加上柱國太師。支伯

字序在墓
洛伯稱賢
和

爵俸錫晏禮部居正辭上柱國及伯爵俸。蜀人楊文
學詐稱寧王之後以雲南人鄭喜私奄自隨用黃白術
炫惑杭州復詐名石城宗人多獎謁巡按御史張文熙
熙繫治之走使詢石城王云多戮死已久文熙上其
事梟斬以殉。命行人賁勅存問先朝元輔徐階賜
葬服金幣甚厚復蔭一子中書舍人輔臣張居正奏徐
階世廟時承嚴氏亂政之後能矯枉以正澄濁爲清
懲貪墨以安民生定經制以核邊費扶植公論獎引才
賢一時朝政脩明官常抵肅先帝潛居藩邸世廟
一日忽有疑于先帝命檢成祖於仁宗故事階
皇明法傳錄三朝卷二顯皇帝十四

通回亦與
有餘

從容譬解其疑乃釋及先帝嗣登大寶階爲聖戴首
臣皇上正位東宮嘗刊冊立大議先後勞績俱不可
泯今致仕家居年已八十應特從攸厚以彰盛典故有
是舉○上御文華殿宣召入直史臣王家屏沈懋學張
元忭劉元震鄧以讚入見取宣宗皇帝玄兔圖令賦
詩併命輔臣以下皆有賦自大學士張居正而下三
十五人進御書名於軸並得自用圖記上覽悅
命常熟趙固圖其副而勒之名

此宣廟御筆也圖以淡墨微圈其傍以碧空滿川上
有丹桂花千點垂下有瑞草作紫白色兔圖中毳毛
纖澤真足神物

雲陽十者
錫爵文也
王世貞為
之立傳非
慈寧之說
則二王義
為所中矣

房好佛中
國人近亦

給事中牛維驪御史孫承南參翰林學士王錫爵大理
寺卿王世貞以雲陽仙去為詞語甚危事下部既而寢
之牛與孫故嘗客於曾省吾者欲以此媚居正省吾為
之具草尚書徐學謨亦從中煽譖而慈聖在西宮聞
之不憚使中貴張宏語居正曰神仙者何與人事而言
路批劾之居正由此意折學謨方盛氣見居正笑謂此
二人者皆君鄉人事甚小不足道學謨赧然而退

十二月順義王俺答死遣使吊祭長子黃台吉襲封更
名乞慶哈俺達奉佛甚謹朝廷每遣僧賜以經像張蒼
香燭前引至帳虜王膜拜九頓乃起起受詔畢復九拜

好佛則中
華不而幾
秋矣

甚恭禮竟敬問 皇帝萬康僧使宣言果報萬眾環羅
拜頌擊地如萬杵登登有聲

王崇古曰俺達之雄心半栽于奉佛中國因而廢之
今士大夫亦有此好浸成俗虎行強變為弱中國
為變而後虜性成變為和中國
智變而後將來不知所終矣

上特詔內閣今日風氣不祥恐有邊事宜勅邊臣加意
儆備頃之虜速把孩入陽河堡遂深入錦州分驍四門
裨將周之望力戰與王應榮俱死裨將徐恩趙家分出
北門西門擊之虜奔 河徐寬等各伏兵邀擊虜倚遊
為險李成梁出兵大戰斬捕三百四十級虜乃遁

壬午萬曆十年正月吏部左侍郎王篆疏請錄諸戕兵

者鐫名於察吏後而榜之以示不伏收報可

王世貞曰諸成人皆非外察不當從觀察而戍者已重于察吏不當榜即榜而異口安能以例杜其用也人謂居正氣識人也而不悟蓋已知其不久矣

二月鎮江府甘露寺僧省悟以白蓮教盟黨與及大乘志元海注等傳造符勅煽惑平民妄稱弘開元年南則報恩寺北則天寧寺檄用仁義禮智信金木水火土爲號約日舉事把總徐道得其檄告於兵備李順肅收捕伏誅

高汝拱曰國初定天下僧道府不過四十人州不過三十人縣不過二十人非精通經典者不得給與度牒非奉有勅者不得私創菴院著在令甲今之琳宮梵宇所在輝煌滿黃之流滿布中外士大夫余然從

營兵之變也始于大
同之支解
李璣後遂
有張 張
史歸胡瑄
賈鑑等敗
其紀于前
賈勉官陞
其職于後

風守其戒律助其資費日以西方竺乾為事天如令
與內清聖釋道二教一款凡各府州縣寺觀但存寬
大可容身者一所居之不許雜處于外違者治以重
罪又一款天下有司關津但遇剃髮之僧補送原籍
治罪如律今承平日久禁令漸弛駕言問道寄食四
方藉口募緣遠遊犯禁所在寺僧相客隱禪床聯席
儼類實煩齋供廣張靡費不費或身犯不避而假之
以逃刑或志在行劫而托之以混跡通都下邑無處
無之語曰天下之患每起于微禁止之道當先其
本妖法傳播糾聚兇徒寧止為射利盜竊而已哉

三月浙江營兵大噪辱其巡撫吳善言事聞勅令還里
聽勘既而削其藉浙故有募府親兵四千五百人其人
多括蒼諸郡民家子頗選故少保胡宗憲倚之起戰功
餉資至不貲趙文華來代稍稍裁縮然猶月糧一金其
兵分九營歲率以七營防海汎汎畢乃歸是時朝廷議

陸防兵又
告矣。兼兵
不可以盡
練。其為
首而已。嗟
夫。以天子
重臣而僅
易。故兵之
一死。法為
甚。其具日
安於底止
耶。

汰冗費。因及兵餉。請減營兵廩三之一。復以新錢半搭
當募府議。錢法壅不行。無所得食。則號于南台。撫臣不
聽。令予錢自如。乃洶洶怨語。冀以恫喝吳。吳持益堅。有
黥寇馬文英。楊廷用。構黨噪于治餉僉事衙。繼闖入幕
府。吳匿他室。跡得之。遂擁至營。窘辱萬狀。兩台使為之
請命。稍解。然猶責吳自書腹削狀。以庫金二千為酒食
之資。乃縱之歸。其明日。馬楊糾其黨。自相團結。陽自縛
以詣吳。及兩台使者曰。吾二人實為首事。他無與也。請
受法。然兵皆匣刃待矣。諸司諷知其狀。姑好語慰撫之。
莫可誰何而退。具其事。上聞。上勒吳還里。而命候。

法不可太
寬也亦不
可太嚴人
無以自容
則挺而走
險矣

勘云○詔兵部左侍郎張佳胤巡撫浙江命便宜行事
有司上兵變事於朝朝議以輕用兵則五千組練乘憤
用壯勢何所不至輕用帥帥或賤且異悞而兵益驕他
鎮皆脈決擊振而起顧獨佳胤自令至濱撫江南上谷
皆以談笑掃內亂故以張往張遂促裝辭朝疾馳至與
吳善言代於君霄間

四月浙江市民變巡撫張佳胤討平之時文網漸密令
尚東濕城中諸棚各設役夫司于風諸土著戶捐錢粟
募遊手克之茲更其法必以身受役請受役者既不堪
藉有力者以免遊手曠失募亦怨上虞人丁仕卿素無

交與市大僧相結。假利便。言之監司守令弗聽。意忿忿有怨色。以言動諸大僧。大僧亦心動。會仕卿以他事坐法囊三木。諸大僧遂嗾衆奪之一人。號召響應千人。謂一二縉紳能免役者。焚燬其居。劫財帛以逞。於是遂破台使者門。監司而下走匿。佛廬僅免。佳胤方抵嘉禾。而聞警報。因問候人曰。兵哨海者發耶。曰發矣。留者二營無恙耶。曰猶未動也。張曰。速驅之。尚可離而二也。遂抵臺治事。諸無賴嘯聚愈衆。裹白刃而向張者。可二千餘。張問其故。衆以司夜役告曰。吾所苦若而豪有力者。獨不受役。訴監司郡邑。若無耳者。張曰。易也。下令除之。衆

便亂兵平
亂民亦一
法也兵法
何常之有
哉

是時亂民
皆醉卧街
橋故行就
釋不者斯
木獨罕且
立見矣
一景星所
能指手哉

始散去。衆雖陽散而氣益張。乘夜復大掠諸巨室。且徧
火光燭天。張草檄諭以禍福。質明而布之。通衢衆取裂
之。劇益甚。張以亂民不討。兵益不戢。乃招遊擊徐景星
俾以二營兵入。且召馬文英、楊廷用密諭曰：汝壯士也。
故不畏死。今市民倡亂。女爲我捕討之功。成詎論贖。且
有賞也。二士唯唯。以景星爲中軍。二士次之。營兵又次
之。遂前薄亂民。亂民敗。遂就俘。累累反縛而詣台者百
五十人。而仕卿在焉。訊得倡謀挾刃者九五十人。皆梟
斬。轅門餘悉放歸。事遂平。聞上乃賜佳胤飛魚衣。及
金綺以示褒異。

六月朔日有食之。朔三日慧出五畢口。往星以南。○輔臣張居正有疾。上令張曰。維理閣中細務。大事卽居正家平章。

高汝拭曰。賈似道加平章軍國。五月一朝。賜第尊嶺。吏抱文書就第呈署。犬小朝政。一切皆決于館客。廖瑩中。堂吏翁應龍。而宰執不與聞。此與江陵大相。似昔聞其在疚。三日不出。閣吏以函捧章奏。就第票擬。次相在閣。生候票進。乃出。此與呈署文書。又不侔矣。若徐所以罪拔游七。家奴與閣。射政。射必不留瑩中。應龍之比矣。宋雖未葉。猶漸翁。廢以正法。典而聖朝。乃使徐游。老死獄中。姑息之政。何甚于宋乎。王台。既誅王杲。杲子阿台服之。台叔王忠。又戮。祝孔輩。孔輩子仰奴。逞奴亦服台。以女妻仰。邪翌之後。二奴欺台老。台子虎兒。罕好殘殺。二奴遂叛阿台。亦怨王台之。

縛其父叛附逞仰二奴各夷皆雲翔不受台制南關勢
威台竟憂死台孽子康古陸與虎兒罕爭鬪逞奴助之
虎兒罕借兵王台吉黃台吉陽助之實陰收其部夷白
虎赤等自縊虎兒罕亦死阿台投逞仰二奴勾北虜數
掠孤山鐵嶺總兵李成梁掛征虜將軍印勒兵出塞別
將秦得倚馳而北李平湖馳而南大破賊于曹子谷得
級千三十九併獲喜樂溫河衛指揮使銅印一顆

女直有三種極東曰野人女直不入貢亦不冠邊東
方建州曰建州女直其夷為仰加奴其加奴居開原
北貢市在鎮北關稱北關王台居開原東北貢市在
廣順關稱南關時王景旣誅其子阿台潛倚台子虎
兒罕朝議方懸購會逞加二奴欲合老與虎兒罕相
仇後阿台亦怨王台父子逞其父某日夜伺隙報

復因投奴侵邊云。○開原孤懸，扼遼有背，東建州、西沈、懿、太。二夷常謀窺中國，而台介東西二夷間，并殺令不得合。最忠順，因聽葉祖連、黑斌、布都查、爲之長。仰逞二奴父都督視孔輩，爲台叔王忠所殺。李勣并李勒寨及台以女娶仰加奴，郭聖之已加奴結婚西虜哈屯，恍惚太勢漸張。斯台老，日伺隙脩怨。台子虎兒笑，好殘殺，殺部夷虎兒子白虎，亦先後叛歸，加奴因盡奔李勒寨，調兀刺江上夷與虎兒構兵，是役仰加奴等十三寨止，遣把吉把太可五寨屬吉，他如嚴扒兀刺及建州夷各雲翔，不受鈴束，南關勢漸盛，台竟以憂死。上嘉台忠，特賜論祭，給幣以旌厚之。

泰寧酋速把孩率其弟抄化及子伯言入犯鎮夷堡，李成梁邀之，其下李平胡射速把孩中脇，墜馬，蒼頭李有名斬之，抄化等大哭出塞。○遼東大捷至，詔進張居

正大師居正病甚，陳乞歸。上優詔慰留，稱大岳先生。

居正度不起。上使人問後事。居正荐尚書梁夢龍、詹侍郎余有丁、許國、陳經邦可入閣。而別荐徐學謨、曾省吾、張學顏、王篆可大用。上黏之於御屏。二十日太師張居正卒於邸。居正待子弟嚴。每三五日問安。領之而已。不交一言。卧帷中至明。不聞聲。家人怪而發視。則氣絕矣。上愴悼。輟朝。兩宮賻贈優厚。遣大僕及錦衣內監護喪歸。贈上柱國、謚文忠。

方居正之病也。由于多御內而不給。則日餌房中藥。發強陽而噪。則又飲寒劑。泄之痔。脾交病。不能進食。上時下諭問疾。大出金帛。以為醫藥資。凡四閱月。竟不愈。江陵久疾不愈。六部大臣九卿五府公侯伯俱為設醮祝釐。已翰林科道繼之。已史禮二部屬繼之。已他部局中書行人之類繼之。已五城兵馬七十

二術。經歷之類。繼之。于仲夏赤日。膝身舍職。業而朝夕奔走焉。其同鄉門生故吏。有再舉至三舉者。每司香。宰官大僚。執爐。日中。當拜表章。則長跪。竟夕弗起。至有路道士。仰數更端。以息膝力者。所拜章。必書副以紅紙。紅錦幕其前後。皇江陵江陵深居不出。臣館其家人。以求一啓。尚或見而領之。取筆點其罷語一二。自是爭慕詞客。不憚金帛費。取其一領而已。不旬日。南都傲之。尤以精誠相尚。其厚者。亦再三舉。自是山陝楚閩淮漕。延撫巡按。藩臬。無不酬者。一御史行香。頂香盆于馬首。諸寺觀。已而出。都按視。有司例致牢餼。御史大驚。罵曰。若不聞。吾為相公齋耶。奈何以肉食餉我。聞者笑之。

高汝柱曰。張江陵足稱才相。當時調攝中禁。統御工寮。制伏夷狄。機惟悉由掌握。次輔以下。斂手而已。此其功不無可錄。然卒不免墮敗之禍。身名兩毀。而人莫之哀也。則以恃權專恣。盈溢而不自制之故也。彼其聰明。疆斷。絕人而不明。於盈虛消息。滿損謙益之常道。若元龜七十二鑽。而不失。而不免余且之網。亦事之不可知者。李愔以後。自知人心不與。而操切彌急。且未知老臣輔幼主之道。見時謂其性。陰則。是然。

直上其于請席賜筵竟不下拜者主上春秋長漸積不平特以威權不在已悉隱未發耳而猶持以固寵使乳臭孫持甲而兩宮青勃朝堂明言欲其十年所國人謂其待嗣子以續已權每天下口也昔秦穆病其子廢請於高宗欲以已代相姦雄營謀之固如此倘能切主於生前尚欲垂延於身後我逆身將就木倘能然受大師之拜違天而得損速盈而取禍非不幸耳

起禮部尚書潘晟爲武英殿學士命行人卽家召之晟已至臨安御史雷士模疏其不堪輔弼兵科張鼎思疏其衰劣已極會有疏辭遂允之時晟委頓逆駕

下操江巡撫胡價及太平同知龍宗武於獄旋適戊先是寧國諸生吳仕期與沈懋學善懋學移疾歸里仕期以爲萬言書以上江陵懋學止之書未發爲太平丞龍

宗武所信、以白操江胡楨橫知仕期、爲懋學友、使宗武
捕仕期、攀引懋學、以悅居正、居正不欲彰聞、置之、宗武
已斃、仕期於獄、至是南京湖廣道御史孫維城發其事、
因并擯而謫戍焉、

起原觀政進士鄒元標爲吏科給事中、

大學士馬自強卒、謚文莊、○以余有丁、爲文淵閣大學
士、○皇長子生、頒詔赦天下、卽光宗皇帝王才人所生也、○詔加上

兩宮 聖母徽號、 仁聖加康靖皇太后、 慈聖加明

肅皇太后、○首輔張四維進、少保中樞殿大學士、申時
行進、少保武英殿大學士、余有丁進、太子太保、仍文淵

他觀之于
亂兵難處
夫不斬則
能得無威
大威則刻
暴生受賜

問大學士、內監馮保、加恩三等、錄一任、都督僉事張宏
以下俱磨子侄錦衣衛指揮使同知僉事有差

七月、兵科給事張鼎思奏言遼前三鎮要務曰練步軍、
曰養戰馬、曰酌脩堡、曰一馬價、曰覈市冊、下部議之。

編脩張嗣脩等具疏陛辭、上報以手諭、仍命司禮監、

陳政護喪歸、其輜重凡七十餘艘、用夫三千餘名、前後
十餘里不絕。○浙江督撫張佳胤斬前亂兵馬文英、楊

廷用等九人、疏聞、上大悅、進秩、趣其還都、監司而下、

遷資有差、民亂既戢、佳胤陽歸功于馬楊二兵、予之冠
帶、復榜與營曰、還而餉餉如趙尚書、不以錢累若也、咸

以責勸之
蓋以刑誅
之象示九
有不動聲
色處置得
宜國朝一
經濟手

國家之設
爵祿厚祿

帖服。始馬楊二兵。鈔衆辱。火中丞當自縛時。又要衆以
一死。飲衆贈金。爲棺殮。給妻子。旣而免。不復反。衆始
大恨曰。成我曹叛名者。二監也。而又買我。張廉得各營
倡亂者名。而檄監竒。建牙誓師。甫嚴。而遊擊徐景星。以
名捕營各一人。陳得勝等。後及馬楊二兵。張謂二兵曰。
女故自祈死。今得死晚矣。且女美。衣膳食。而驕于衆。又
脅其資。旣免。而不反。橐夫復何言。遂斬于轅門。凡九首。
馳使使赦七營卒。士民惟悅。浙自此無警。○雲南道御
史楊寅秋。劾罷吏部尚書王國光。以梁夢龍代之。始馮
保欲封伯爵。因維以無故事難之。保詰曰。爾由誰得今

以待賢也
宜為內瑞
作人情聚
小爭獲之
物哉

居正也
得也徐爵

皇明世傳錄卷二十一
日耶而負我若是於是趨保者相率而論四維曾省居
王篆行數萬金謁保與驩因言四維短相約逐篆宰王
國光以省吾代逐御史大夫以王篆代及國光罷保又
欲私其鄉人梁夢龍時篆署吏部篆畏保不敢違遂推
夢龍省吾以篆負約也怒而相詬至以拳對擊其攻四
維甚銳四維窘求徐爵張大受為保道地而時行又為
調劑稍罰言者解之○山東道御史江東之劾奏錦衣
衛指揮徐爵盜竊威福出入禁闕播尾於貂貴之前假
虎于狐媚之後下鎮撫司訊問徐爵者先年諭苑太監
李彬親信人也因盜大祀神祇祭品發邊衛克軍後逃

以秋鬼之
三庭矣

保奉太后
慈旨夾持
過當上已
積不堪即

回保收爲腹心。冒濫功次。擢至錦衣。曉夜共處。血房批閱章奏。凡重大機務。謹密軍機。未經御覽。未送閣票者。爵已先知之。漏泄于外。又窺視聖上起居。探聽聖母動靜。戲言褻語。無不開宣於外。奔競者慕其威靈。倚賴者附其聲勢。或托先容而入見。或納重賄以招權。其門如市。權傾中外。如夢龍旣拜吏部。謝恩之日。卽往拜徐爵。爵留夢龍。欵洽。舉酒相酬。二鼓而回。肆無忌憚。一至於此。是時保聲勢尚盛。朝臣知而莫敢先發。有上故所幸閹人張誠者。見惡于馮。上不得已而斥之。因使密伺保所爲。及居正平日事。至是誠復入。悉以兩

瑣事可證
馬革塵紀
一日上獻
以所御寶
藏殿中隱
處戒左右
弗泄故令
保覓保流
汗四馳求
之不得又
一日見馮
瑞衣大紅
色衣甚鮮
問曰何處
得此方令
密館即以
賜馮觀為
潤之福焉
正

家交結恣橫狀上聞。上心動馮保。又以止郊天及選
婚事得罪。左右浸潤其過。惡與四維善者。泄之。四維正
恐為保傾。得此遂使東之諭焉。上曰。徐爵這厮克軍
在逃。冒濫頭秩。竊入禁地。罪犯深重。下鎮撫司訊問。
十月。江西道御史李植劾司禮監太監馮保十二大罪。
當誅。上曰。馮保欺君妬國。罪惡深重。本當顯戮。念
皇考付托效勞有年。姑誦奉御。居南京。上憫念東甌
饑窘。命捐帑銀七萬兩。差官分投賑濟。詔贈原任御
史劉臺。光祿寺少卿還其籍沒之產。禮部尚書陳經
邦奏言。明經貢舉。乃國家盛典。學校人才所出。宜稍寬

假以作與士類諸非令甲而創新例過爲繩督者皆一切去之上報可

江陵秉政一切操苛貢生廷試多駁回。餽于廩者試四等。卽停奪。大比彙送。既服名。又大爲降黜。督學承風。競以刻覈爲能。庠序喪氣。自有此疏。海內稍稍伸眉矣。

御史楊四知疏劾大學士張居正黨惡欺君權奸誤國十二大罪。上以輔政十載始貸之命。錦衣衛鎮撫司追其惡僕游七。訊之遊七者霍家之子都梁氏之秦宮也。一時臺諫多與之結納。密者稱爲兄弟。一二大臣亦或賜坐命茶呼爲賢弟。甚而與通婚姻。至邊師武夫出其門下。不啻平交矣。又有宋九者。九之聲勢不及七。而

能作字。頗爲主人代筆。其富又過于七。又有王五者。五文雅不及七。而富次之。第其主人未甚當事。且以清謹爲名。皆以食桃之歡而成其寵者也。東海漁人作五七九傳志之。

一日有給舍過宋九道。一邊師五伺候。元老先通問。九給舍問此誰也。九對此某邊大將在我相公門下。給舍卽云煩兄通息。願與交歡。王五笑曰。世有此等家。官向吾輩求荐。與邊師以此知五之識過人遠矣。十月四川道御史孫繼先奏請聖明錄建言。諸臣大學士張居正。聞有父喪。例當守制。而翰林編脩吳中行。檢討趙用賢。刑部員外艾穆。主事沈思孝。刑部觀政進士鄒元標。各言居正身列大臣。宜敦孝行。父喪不奔。恐犯

清議奉旨廷杖、遣戍爲民有差、茲納御史李植之言、斥
馮保、納御江東之之言、藉徐爵、納御史楊四知之之言、追
問壞事之人、臣知向罪諸臣、非皇上本心也、乞循資
錄用、至忤觸居正、被斥如南京工科給事、余懋學、河南
道御史趙應元、傅應楨、南京浙江道御史朱洪謨、陝西
道御史孟一脈、戶部員外王用汲、一體准復原職、上
命建言得罪、都着起用、○削吏部侍郎王篆、都御史陳
价、藉爲民罷、吏部尚書梁應龍、○命藉馮保家產入官、
保金銀百餘萬、計珠寶現異、以萬計、宅舍田產等、是
時內載一時克初、上聞其薄、公卿大臣皆有饒遺
惟刑部侍郎嚴清
無名、上甚重之

御史羊可立追論大學士張居正罪惡謂其以私憾構
遼庶人憲卿獄其妃金氏復上疏辨庶人庫金珍寶萬
計悉入居正之府上命刑部右侍郎丘樞司禮監張
程錦衣衛指揮梁紱給事中藉其家并勘其事

遼王憲楨者其父薨以幼未立而居正之祖父爲護
衛軍太妃聞居正少警穎且與王同歲召而奇之賜
之食命坐王憲楨下太妃謂王曰而不才終當爲張
生穿鼻王以是憾會居正登第王召其祖虐之酒至
死居正心呬之然王淫虐橫酷居正假此報
復第以其府第爲宅所謂金寶者其徒語也
張程等行居正諸子焚毀其奇貨禁物刑州守令以
御史言先朝錄其人口而子女避避空室不及餐皆
削其門餓死者十餘曹爲犬所殘食長
子懋庵自縊死家人亦多有從死者

刑部右侍郎丘樞至江陵籍大學士張居正得藏黃金

以英涼為
從違讀此
數語可以
識世道矣

將萬兩、白金十萬餘兩、長子懋脩、誣服寄藏三十萬金、
於曾省吾、王篆等家、上命追駐、

侍講于慎行遺書于憐、略曰、江陵殫精畢智、勤勞于
國家、陰禍深機、結怨于上下、當其柄政、舉朝爭頌其
功、而不敢言其過、今日既改、舉朝爭索其罪、而不敢
言其功、皆悲情實也、又云、江陵平生顯為名高、而陰
為厚實、以法繩天下、而間結以恩、其深交密戚、則有
賂、賂人則不敢、債帥鉅卿、一以當十者、則有賄、小吏
則不敢、得其門而人者、則有賂、外望則不敢、此其所
入有限矣、且彼以蓋世之功、自豪固不甘為汚鄙、而
以傳世之業、期其子、又不使濫有交遊、其所關通、窮
借不過范梈、馮斯、二三鼠輩、而其父第索居、或以其
間隙、微有所網羅、如此而已、則所入又有限矣、若欲
根究株連、稱塞上命、恐全楚公私、重受其累、又云、
江陵太夫人在堂、年八十老矣、繁然諸子皆書生、不
涉世事、籍沒之後、必至落魄流離、可為酸楚、望于事
宰罪定、疏請於上、乞以聚廳之居、恤以立椎之地、使
生者不致為樂郊之族、死者不致為若敖之鬼、可矣、

高六扶曰此書詞嚴義正開國家大體情平丘之不
納也當江陵府權四方士不指而譽臻不齒而獻
撫行獨以角忤去其失勢莫不操戈下石獨若至
親親友力為維救意懇詞脆其人不。可想見哉

癸未萬曆十一年正月起傳應植為河南道御史

應植戊定海八年干茲矣江陵敗詔起
原官旋陞大理寺丞戊子奏贈右少卿

起原任兵科給事魏時亮為南京大理寺丞旋陞都察
院右都御史協理戎政上救時綱領要務四劄曰保國
曰裕民曰法祖曰聖脩上允行當亮在兵科時虜陷
石州請莊皇帝面詰大臣蓋以先帝登極來諸臣不
發一語耳越二日上講罷即問石州殘破狀講臣云
不虞虜賊深入上囑嚙唇吻間若有所商略而中官

國朝關人
之橫極矣
逃聖明尚
以況于此

王本者。輒從旁設罵曰。諸臣工欺蔽。先是本陰逐言官。周怡。陸鳳儀。實欲借此啊惕臣僚。上怒。本日懾之本。猶語刺刺不休。其黨喬閉者。肘之始息。上不悅。而罷時亮退。劾本無人臣禮。大不敬。又數其不法事數條。士論壯之。未幾罷歸。至是始起。後官至刑部尚書。以道學名。恬約之品也。

二月會試。以禮部尚書文淵閣大學士。余有丁。吏部侍郎兼侍讀學士許國。充主考官。取李廷機等三百六十八人。

三月廷試。賜進士朱國祚。李廷機。劉應秋等。及第出身。

有差○御史魏允貞疏論大學士張四維申時行不改
張居正之舊轍而私其子後先預荐疏入奪其三級而
調之於外

時中張二公子並舉于會試允貞條陳時事因言廷
試閣臣爲讀卷官其子須俟去任方可預試張四維
不悅允貞貶外李
三才救之亦貶

大學士張四維以父喪馳驛回籍時四維與時行意成
水火度不可如居正倒奪情乃大行金與上左右張鯨
張程諸用事者使爲間曰時行故居正所私今復得其
家金寶萬計爲之殺露上頗心動久而察其無他乃
釋○起升吳中行右春坊右中允趙用賢右春坊右贊

善仍兼翰林職卿。○命削張居正官秩，奪其前所賜璽書四代誥命，以罪狀布天下。謫其子編脩嗣脩戍。○陞李植大常寺少卿。江東之太僕寺卿羊可立大常寺少卿。

四月，以吏部侍郎許國陞禮部尚書，兼東閣大學士入閣辦事。○降四川道御史孫繼先為臨清州判官。

繼先，勅兵部尚書張學顏証殺故御史劉臺。上以妄言譴之。吳門與滿坂構隙，滿坂意在盡逐，殺免繼先與滿坂同鄉，意其有所授也。故俟其既去而有是降。

原任大學士徐階卒，贈太師，謚文貞。

國朝輔臣，以文貞易名者，惟廬陵與階而兩危身極慮。于嘉靖間，遷滿定傾軼于廬陵，弟小用滿敬收采。

物情識者不無遺焉若其赤寫
凡几羔羊素絲不得不謹華亭矣

以戶部尚書楊巍爲吏部尚書

觀之代王國光秉銓也處與茂苑妻江蘇安諸公間
有嫌茂而無構擊甚者以身代受射而不傷在銓七
年用計天下吏人皆服其平
恕丁未年八十卒海豐人

南京湖廣道御史孫維城請起侍讀趙志臯張位主事
趙世卿事下所司。○原任大學士張四維卒贈太師謚
文毅四維負能文章實有幹才於楊博爲鄉晚進而王
崇古其舅也二人久任邊事以故四維亦明習之爲舊
輔高拱所器重其父鹽鹽長蘆累資數十百萬御史卨
永春巡鹽河東怒兩家橫疏劾之四維引疾家居後居

正喜其博學、竟得大拜、至是卒。

居正擅權、視若條案、以維等事之益、及江陵既四、維知海內怨深、一切務為寬大、以收人心、而法度漸弛矣、復與吳縣參商、變伯之地、變為荆棘、良可慨也。

周府潁川王睦、採信陵府、鎮國將軍睦、議承寧府鎮國中尉睦、擢辱歐宗正睦、上命該府會議、責切睦、採

等逞兇玩法、置睦梳于高牆、先是睦、素行無良、乘周王病潰、世子勿冲從中、諛諛得用事、偽置牙牌五十面、給散諸王、又置本牌二千面、給散各宗、焚香誓盟、相約有事、傳牌為號、利歛宗室銀二千餘兩、名為打點進本使費、又作匿名帖數十張、榜于衢、內有齊黃復出等

語日思噪動欲起。繫端且娶。媚劉東菊爲妾。乘任死。竊分其貲。併收其妾。二女皆媚出。捏作嫡妃位下。惡長史興已。假傳王旨。害其家人軍伴。種種過惡。蔑視王章。不止。歐一宗正也。撫臣上其事。命睦櫟發送高牆。

命調南科給事馮景隆於外。吏科給事鄭元標疏救。不報。景隆劾總兵李成梁生事邊疆。上以其言之失實。故調之。元標疏曰。天下習見者多真。傳聞者眇實事在。華殺一日之內。訛言踵至。矧金陵去遼海數千里。通景隆之失言。固可罪。而事屬風聞。亦在可原也。

高汝弼曰。今制相傳臺諫風聞言事。考之今典。無所證據。心竊疑之。後讀唐史。武后以術制羣下。諫官御

史得以風聞言事自御史大夫至監察御史遂互相
彈劾率起陸波相傾覆此風聞言事之始也夫令功
罪必有其大實按名責實猶恐不稱况以風聞武后之
令蓋羅織告密之別名耳承平之世習為故典不知
其出于此也

浙江巡撫張佳胤巡按張文熙及都給事中蕭彥請減
織造以寬民力從之○四月上躬祀山陵○起沈思
孝尚寶司丞王用汲大理寺少卿○聖駕將閱壽宮方
嚴蹕道河南道御史傅應楨言遼薊軍中數有火光火
象主兵動而山後實隣虜境恐卒然有警且六飛一駕
諸費累鉅萬不宜偏苦輦轂諸縣勿行便上優詔報
聞○上閱壽宮駕幸勤草嶺賜扈從輔臣申時行等

茶楹。○上擇壽官。禮部尚書徐學謨荐廷臣習堪輿者。三人。南京刑部尚書陳道基、通政司叅政梁子琦、僉事胡宥與內監張邦垣、楊汝常偕往。子琦剛愎自用。與眾議不合。獨獻地八處。上臨閱其地。在斷崖深谷。欽峙備仄中。乘輿歷涉危險。上意不悅。並報罷。旣而定。仄形龍大峪兩山。命定國公徐文壁輔臣申時行及司禮監張宏擇官覆閱。時道基宥已辭去。獨子琦在禮部。謂其好勝喜事。前所奏地皆報罷。不列其名。子琦怒。疏劾學謨。上勒令閑住。

五月太寧酋伯言把都糾花大及大虜衆五萬騎入塞。

聖明之見
非諸臣所
可及

攻鎮寧堡。李成梁議于黑山大山兵佯爲北伐。夜遣李
得全馳入鎮靜爲內應。旦日親自博戰。李寧以刀擊酋
花大傷臉。復貫矢中膊。花大伯言叔也。虜哭失聲而去。
旣而伯言復偕董狐狸三萬騎犯廣寧。殺掠吏士一百
二十有奇。李平湖跳擊之。會大風揚沙。晝晦。頃之雷電
交作。大雨如注。平地水深數尺。虜走出塞。○戶部請改
折漕糧三年。上命暫准一年。時京倉積米足支八九
年。計部恐其多則澁漕。而大倉銀庫歲入甚少。明年各
邊奏討銀例支給不敷。疏請以糧之有餘補銀之不足。
乃一時權宜之計。上慮漕糧改折一時要米不得接。

濟不允。閣請折三分之一。止于暫行。乞暫准一年。以濟

目前之急。從之。

宋繆曰太倉之穀寧使紅腐不可不足。今見少許。處餘便欲改折。一旦脫

有不給。從何處厝處。

此老成長慮之見也。

六月起郭惟賢復任河南道御史。

七月陝西巡撫李汶奏言。洮岷故無虜患。自款市後。僉

自。其別部始闢牧河西。番衆漸起。遂有莽

刺川之訐。蚕食不止。漸及內地。昔東勝未徹。虜以河爲

界。套內晏如。迨火篩入。而套矢遂成。不拔之毒。今洮河

之虜若不亟驅。番部且折而入虜。是又河套之事也。報

聞。

事而防
之慮
如此

白面先生

殺人媚人
仁者不為
以義之死
堅不出于
宗祧然我
不殺伯仁

九月以陳經邦爲禮部尚書兼翰林院學士。上冲年向學、優禮儒臣。經邦爲講官、儀度莊雅、進退雍容、詞章華瞻。上嘗呼爲白面先生。而不名。自史官至正卿皆直講。未嘗輟。既典春宮、條畫整勅、皆關典禮。壽宮役興、輔臣與言路議異。經邦奉命履視、不盡如輔臣指。坐此被言、再疏乞歸。後上篤念舊學、時問白面先生。無恙否。卒不得大拜、歿。贈太子少保。莆田人。○降御史曾乾亨爲海州州判。先是劉臺自遼罷歸、宗載撫遼、欲以中江陵歡汚坐劉臺。賍私以上江陵出其手狀示人曰：劉生爾爾。而以我飭賄何爲。劉負我。我不負劉。宗載以

伯仁由我
而死其何
說之辭

路公誦江陵乾享久聞而憤至是上疏劾之宗載已爲
兵部尚書故有是誦○遼東大捷擇日獻俘告廟錄督
撫周詠李松及大將軍李成梁功各陞廕有差加成梁
祿米歲百石阿台斜虜大舉一從靜遠堡一從上榆林
堡各深入前至瀋陽城南渾河成梁馳虎皮驛援之虜
稍却阿台方擁千餘騎縱掠撫順邊渾河口徐行去李
勒兵從撫順王剛台出塞百里直搗古勒寨寨陡峻三
面壁立壕塹甚峻我兵用火攻衝其堅經兩晝夜射死
阿台而別將秦得倚等已前破毛憐夷子莽子寨將海
誅之海與阿台兩相濟惡自是杲子孫靡有遺種東夷

震懾去一蠹賊云。○以魏允貞爲吏部員外。李三才爲南京禮部員外。允貞論張申內閣公子中式故貶。及四維以憂去。于慎行謂時行曰。近來直言之士不乏。相國亦能攸容。但科場事鮮有摘及者。今允貞奮言及之。比得嚴旨。各各袖手。而三才獨抗疏以救兩人。直言於此。攸容方是真攸容。又爲言於選司孫鑣。卽日具疏擢之。上駕閱定壽宮於大峪山。勅工部擇日興工。御史李植江東之。與梁子琦相厚。欲以起釁。乃與御史羊可立共疏言大峪山非吉。并劾太監張邦垣等欺罔。因遍行金錢賂。上所親信小豎。當時號爲十俊者。數以蜚語動。

上時鑒與四出供費浩繁而將作又鉅萬九卿皆有憂色各疏請上獨斷上特命擇日興工。遼東巡撫李松與大將軍李成梁率兵討海西諸酋設計盡殲之捷聞告廟。遂加奴仰加奴與白虎赤借西虜。緩免恍惚太等率騎萬餘。驍猛骨孛羅并虎兒罕子反。商日尋于關時遼方勦王呆遺孽阿台總督周詠因念反商弱猛骨孛羅嗣立眾未附請加勅以便彈壓報可而十二月。遂仰二奴乘冰堅復糾虜攻猛骨孛羅大掠把吉諸寨。巡撫李松再宣諭二奴益驕挾請貢勅於是定計李伏兵中固城去開原四十里都御史坐南樓之上先期命

將夾伏四隅。遣備禦霍九臯往諭約軍曰。如虜入圍。雖
撫則張幟爲號。案甲勿起。不者若聞砲。卽鼓行前。如今
亾何二奴擁精騎三千餘。剽鎮北關。請賞以三百騎詣
圍門。頗橫恣。目白虎赤。逞加奴子兀孫字羅仰加奴
虜墮馬。餘虜攢殺我兵十餘。軍中砲響。伏盡起。遂前斬
逞加奴。及白虎赤。逞加奴子兀孫字羅仰加奴
子哈兒哈。及馬。自是海西警服。踰數年。逞加奴遣孽
卜寨仰加奴。遣葉那林字羅日。夜圖報父仇。連西虜以
兒鄧侵掠夷部。及歹商數人。威遠安靖堡。而那林字羅
尤征討。挾索貢勛。如二奴時。捷聞告廟。

御史詹事講疏請從祀先臣陳獻章王守仁于孔廟事
下部議在廷諸臣疏凡十餘上咸議爲當祀惟大理寺
少卿王用光祿寺寺丞李楨皆其非異疏入不下